

San 2 ran Menkalo- san 1994
A songo: DOROME 10 - N° 268

kibaru

A be bo kalo o kalo "AMAP" ka yamaruya kono - Hake : 16.000.
"AMAP" kuntigi: Gawusu DARABO - Dilanbagaw ni Sebenbagaw kuntigi : Basiriki TURE

Mali Balɔntannaw
«Egiliw» Samatasəgew y'an
kunkɔrɔta, Tunizi kunben kene
kan

☞ (n° 2 ni 3)

«SEFA» BARIKA
DOGOYALIKO GELEYA
B'AN BEE KAN.
FANGASO JOYORO
BOLOMADEMEO LA...

☞ (n° 6 ni 7)

KENEYA TOGOLADON DINE KONO




Komandan Modibo SIDIBE Kenyakow minisiri

KENEYA
TAAMASEERE YE
NÉKORODIYA YE.

☞ (n° 4)

SORO NAFAKO
NI BAARAKELAW
NIYOROKO

☞ (n° 5)



Mali baarakelaw ka jekulu "UNTM" togolaso, Bamako


Mali Balontannaw «Egiliw» Samataségew

K'a ta san 1994 Marisikalo tile 26 la, k'a bil'a Awirilikalo tile 10 na, Afiriki jamana 12 ntolatankuluw ye njogon kunben, u ka san 1994 «KUPU» talikene kan, n'a bë wele ko «CAN 94» n'a tanna, Tunizi jamana kono. A njogonkunben kera, «KUPU» min no kan, o de sankorotalen bë, ka temen, a tow bëe kan. Ale de togo, a dawula n'a nafa ka bon, n'a bëe ye. O de kosoñjamana, bëe kelen-kelen ntolatannaw n'u kalambagaw n'u lafasabagaw an'u fangalamogow, olu bëe lajelen ni dalen b'a kan, cogoya la, nafasorokow ani yiriwalikow kun ka dogo, minkoro, kuma te politikkow n'u njogonnaw ma. A «KUPU» balontan bë ke san fila o fila, jamana latomolen dora kelen kono. Nk'a gintanw bë Afiriki jamanaw bëe labo, sanko, a bë tan, yoro min na.

Mali min tun senbor'a la, kabini san 1972 la, n'o kunben kera YAWUNDE, Kameruni jamana kono, o sera, k'a yere magan, fo ka soro, ninan ta

la. O sababu kera, farikoloñenajekow minisiri, Bubakari Karamoko KULUBALI de ye. Ale de sera, ka Mamadu KEYITA, n'o bë wele ko «KAPI», n'a faamuyalen bë balontan kalan na, kosebe k'a lasegin, Mali kono, a kan'an ka balontannaw laben, TUNIZI kunben 19 nan kama.

A balontanw bëe bannen kô, Mali kera 4 nany'a jamana 12 la. O diyara bëe ye, k'a masoro, o kera sababu ye, ka Mali sen don tugun, Afiriki balontan kupuko la, cogoya la, seginko te min na. Okama, bëe jëra, ka «samataségew» tanu, k'u ladiya, k'u bonya, k'u karama, kabini mogo kelen kunda, jama kunda, fo, fangaso kunda. Warije temennen kô, n'a mogo kelen ta cayara, ni «Sefa» miliyon kelen ye, a mogo 20 ni kô, an'u nemogow bëe ye dugukolo kelen soro, min jolib'u yere ma. Minnu ka kan ni Medayi ye i ko Mamadu KEYITA n'a kankorosigiv, Peresidan Alifa yere de y'o di, fanali senfe, a ye min ke



...y'an kunkorota, Tunizi kunben kene kan

KULUBA, an ka balontannaw kama, walasa, k'a ka nisondiya jir'u la. Nka, bolomafaralaw bëe la, mogo farin kera Sherifu HAYIDARA de ye, min kelen ye «Sefa» miliyon 30 di..

A kera cogo o cogo, bëe y'i seko damajira ke, i ko izinitigiw, jagokelaw, baarakelaw ani jekuluw, minnu be Mali kono, an'a kókan. A kubenni kera bëejeko lakika yere de ye, min gintan barika bonya, nögön maye, folo, Bamako dugu kono. Hadamaden cayako jugu, ani döñkilidakanw ni dununkanw, olu kera sababu


jamanadenw b'a fe, «Egili» ka faso kunkorota KENIYA, ka temen TUNIZI kan, f'o labennikow ka ñamine, kabinisisan. Akupuko selen be Mali bole, yoro min na bi, n'an bëe b'o kalama, o taalan te «kunnamaya» ye, tugun, kuma te sigasigali ma. Ni siga donna hadamaden kun na dörön a fari be faga, cogoya la, min b'a k'a b'i den, keref. An dun temenn'o yoro kan, kabini «samatasegew» ka ñetaa sementiyara, dansirala te ñetaa min na, sanko, seginko. Olu bëe ye maloyakow ye, an be se, k'anyere tanga



Bubakari Karamoko
KULUBALI,
farikoloñenajeko minisiri



Amadu JAKITE, Mali
balontankow "federason"
kuntigi



Mamadu KEYITA "KAPI"
Mali balontannaw
bolodalibaga



Usumani FAROTA,
Mali Balontankulu
kapiteni n'a goli

ye, ka balontannaw ñekorofa, fo k'u dogoya, u yere bolo. O nögön be ke, kene o kene kan, o te kene lankolon ye, bawo, jama te wuli gansan. Nka, Mali balontannaw n'u kalanbagaw n'u lafasabagaw ani fangaso bëe lajelen ma tila folo, bawo, «samatasegew» ye sigiyoro 4 nan min soro TUNIZI «CAN 94» kunben senfe, o de b'u lase, «KUPU» kura nata talikené kan, min bëna tan, san 1996 la, Nairobi, KENIYA jamana kono, n'o ye «CAN 96» ye. O siratige la, ni

minnu ma, ni kulu bëe y'u ka «dusudenkow» gintanw barika, k'u sabati, k'u sankorota, ka temen kóolenw kan, ni furancejan ye.

A kera cogo o cogo, nin ye Mali donnen de ye, Afiriki balontan kupuko la, min ye fadenyako. ye. A döñbaalajew b'a si döñ. O donniko de kama, bëe tun be k'i yere magan, waati kono, min ka ca ni san 20 ye. Sisan, latige y'an sago k'an ye. A to b'an yerew dörön bolo. N'an y'a ke bëejeko ye, Ala b'an deme.

KENEYA TOGOLADON DÎNE KONO:

San o san, Awirilikalo tile 7 de ye keneya togoladon ye, dîne jamanaw bëe kono. O don gintankow labenni kama, dîne jamana hörönyalenw ka tònba, min ye «ONU» ye, o bolofara min nesinnen bë keneyakow ma, n'o ye «OMS» ye, o bë wale suguya kelen, wali, banasuguya kelen sugandi, k'olakodonnawalew ke jamanaw fangasow n'u jekuluw ka baaraw y'o waati kono.

Salonnasinin gintan kera sigiyoro lakanali n'a saniyalik kan. O kota kera «SIDA» kan. Salon ta kera karogelenya kan. Fen min ye, ninan san 1994 gintan ye, o nesinna nindimin de ma, ani hadamaden dakonona yere tangacogo, bana ma. O siratige la, a jirala, ko nindimin mëenni

bolobo, k'i senbo, ko bëe la. N'i ma furake, konuman, k'i b'a bolo, a b'i lase, kaburu kono, hali siga t'o la...

Oyoro faamuyalide koso, jamanaw minisirisow, minnu nesinnen bë keneyakow ni hadamdenyakow ma, olu ka mögo faamuyalen b'u kanbo, jamana kono mögaw ma, cogo bëe la, i ko jamalajew senfe, kunnafonisebenw kono, Arajo ni Telewison na, ka «yeretanga» dusu don, bëe kono, banakunbenko la. O la, bana bë mögo min cogo min na, a bë minnu k'i la, an'a bë furake, cogo min na, obu bëe bë nefs, k'u faranfasiya, walasa, bëe k'i ta n'i bila dòn. O siratige la, Malidogotorow n'u ka minisiri yere, n'o ye Komandan Modibo SIDIBE ye, olu y'u seko n'a damajira bëe ke, nindiminkow nefsli la, ka tilá, ka wele bila, mögaw ma dogokun kelen jaalen kono, bëe ka t'i ne da, ninfurakeyorow kan, k'u ka baarakécogow n'u ka baarakeminenw lakodon. Mögo caman minnu y'u sen bo u kono

KENEYA TAAMASEERE YE NEKORODIYA YE

senna, k'o bë bana suguya caman basigi, hadamaden farikolo la, i ko fasadimin, kunkolodimin, dusudimin ani kolofaga n'a salabaatojakow, minnu bë se, ka hadamaden bil'a kene kene kan. Adunjirala, kodine donne bë geleya waati min na sisan, n'o mantorow dadigilen bë setigi jamanaw la, kuma te jamana deselenw ma, ko ni banabaatow tora, ka caya, ni kenebaatow ye, k'o bë yiriwalikow lasumaya kojugu.

Banakunben kadara kono, tali kera nindimin misalidekan, k'a jira, ko kene ya taamaseere ye nekordiya n'a yelede ceni de ye. O bëna ni bana digicogo dönni de ye, hadamaden na, k'a d'a neda kecogo kan. Hadamaden te se, ka bana tooro t'a la, k'a nekordiya, fo ka se yele ma, cogo si la. Bana de bë se hadamaden na, ka temen fen bëe kan. N'a ye mögo min, a te hii, a te makari, a b'i lajo, k'i lasigi, k'i labin, k'i

koro, ka t'o yorolajew la, o b'a jira, k'a gintan labenkun ye sira soro. A labenbagaw ka fo la, keneya togoladon gintan kera, yoro bëe la, Mali kono, fo, dogotoroso lakika te yoro minnu na. Nk'a jirala, k'a labencogow tun te se, ka ke kelen ye, yoro bëe, k'o da, kow n'u kecogow kan, minnu dogolen te, mögosi kelen na. O b'a jira fana, ko hali keneyakow te kelen ye, setigijamanaw ni desebaatojamanaw kono, kuma te faantanjamana kelen kono ma, i ko Mali n'a noggonnaw.

O faantanya kelen de koso, musokele kasaara ani denko kasaara, olu hakew ka ca, kosebe, sentanjamana kono, sanko, Afiriki jamanaw kono, ka temen farajejamanaw kan. O de bëna, ni limaniya ye, banakow n'u furakélikow la, k'a faamuya, k'olu ni sorokow, herekow anilafiyakow bëe ye latigelako de ye, min bë tali ke, garijeké tilacogow kan, hadamadenwnijamanaw n'agogon ce.

BAARAKELAW TOGOLADON DÎNE KÔNO:

Baara nafaw n'a tōnōw sōrcogow, baarakelaw fē, walas'u fana ka se, k'olu diyabo, o de nana, ni baarakelaw togoladonko basigiliye, dîne kôno. A ko basigira, ka bén, san 1948 Mekalo tile fôl don min ma, o de sugandira, dîne jamana hōrōnyalenw ka tōnba «ONU» bolofara fē, min nesinnen bē baarakow ma, n'o ye «BIT» ye, k'a ke fintanw labéndon ye, jamanaw bē kôno. O fintanw bē ke, ka bén, baarajekuluw senkanw de ma.

A don basigili ma nōgoya, k'a da, baarakelaw ka fara nōgōnkan barika bonya kan, min kera muruti suguya caman sababu ye, baarakéyōro caman na, dîne yōro bē kôno. O murutiw kun ye «baaratigiw» wajibiyali de ye, foroba kunda, ani

Odenana, ni jekulu sigiliko ye, baaradaw la, n'o ye «sendika» ye, min bē baaratigiw sirataama, k'u karaba, don o don, k'a t'a fē, walasa baarakelaw k'u sago sōro, don dō la. O karabalicogow de tē kelen ye, yōro bē, baaradaw ni jamanaw bē kôno. Jekulu dōw mununnen bē; dōw kōrōtlen bē; dōw ka farin, dōw sabalilen bē; dōw bē faamuyali ke; dōw t'a nini, ka fosi faamuya. Olu de bē mankan ke, ka muruti, ka baarabilà ke, n'o ye «gerewu» ye, waati damado kôno. A kera cogō o cogo, kuntilenna bē baarajekulu bē, kelen-kelen na, minnu nōmōgōw b'u ka walew latemén, sira dantigelenkōrōw kadara kôno. Tuma dōla, jekulu caman nōmōgō dōw bē sira bila, cogoya la, min bē fōnjogonkōdon, baarakelaw ce, ka fîne bil'u ka kelenya la. O de fana nana, ni jekulu camanko ye, baarakela suguya kelenw hake la, i n'a f'an ka lakolikaramogōw, dōgōtōrōw ani bololabaarakelaw. Olu de ka jekuluw ka ca,

SÔRO NAFAKO NI BAARAKELAW NIYOROKO

kēnēreye kunda, ka baarakela yérew niyōro sigi, sōrokow la cogoya la, min damakēnēlen b'u ka sēgenw ma. O niyōrōsigiko kelen tē, ka sira sōro, hali bi. A fōnjogonkō kiiri tige ka gelén, kosebē... Baaratigiw, sanko kēnēreyew, olu bē fôl, k'u ka nafolobatigiya kēcogo gelyayorōw de nēfō, k'a jira, konafolo dondala kune, nafasōrōn tōnōsōro de ye, tilalicogo wēre tē minnu na, olu ni baarakelaw ce, ka temen kalosaraw kan. Baarakelaw bē baaratigiw ka nafolow labuguncogo nēfō, k'o sababu y'oludeye, minnu b'a sēgen na, su ni tile. Okōson, baarakelaw ko, k'olu ka sēgen sara tē se, ka dan, kalosara dorōn ma, sanko, tōnō bē ka sōro, baara la. Forobabaarda minnu bē fangaso ka hukumu kôno, olu nōmōgōw kumacogo, baarakelaw fē, o cemani, ni kēnēreyew kumacogow ye. A bēs da bē file kelen na. A bēs bē, kan kelen de kan, k'a fō, hali bi.

sisan, Malikōno, k'a sor'u bēs bē, baarakelendé ke. N'o bē bén, forobabaara kunda, o bén ka gelén, kēnēreye kunda, olu minnu b'a nini, k'uka baarakelaw kō don nōgōn na, k'a d'u kōntaw kan, waribōbaliya bē minnu cēma.

Baarajekulu camanko ma Mali baarakelaw ka kelenya tōnba «UNTM» kōnōgan, k'o sababu kē demokarasiko ye, min jenna n'a ye, i ko pariti politiki camanko, musojekulu camanko, denmisēnjekulu camanko n'u nōgonna, minnu yérew suguya fana cayalen bē, sisan, jamana kôno. O de kōson, «UNTM» Sekeretéri Zentrali n'o ye Ise DUKURE ye, o y'a kanbō, jamanadenw ma, k'a jira, ko jekulu camanko tē baasi ye, ko kankelen fōbaliya de ye baasi ye. Ni baarakelaw togoladon fintanw labennibilala, Ise DUKURE ka kōrōfō kadara kôno, a bē ke hakili jagabōko ye. O siratige la, wale kelenw bēna nēfō, «KIBARU» nata kôno.

SEFA BARIKA DOGOYALIKO FANGASOJOYORO, BOLOMADEME KOLA...

Kalo temennen «KIBARU» N° 267 kono, tilance boliko fôra «SEFA» barika la, k'a jira k'oye geléya suguya dôbasigi, min ye mögôw jigin nôgôna, gansan, n'o ye feerelikew ni sannikelaw ye yoro la, jamana fan bëe kono. Ajirala, ko fangaso de ye bëe jigi semejiri ye, min joroyoro kolo ka girin, kosebe, bolomademeko la, k'a nesin jamana baarajekuluw ma. O be faamuya, bawo, geléya ye bëe «nata» wuli, ka bëe «hawuja», nafolo nôfe, bawo, sôroda were te mögo si bolo.

N'a fôr'o la, ko fangaso kelen dôrôn de jolen be bëe kôkôrô, k'ale de be bëe kunnadoni fegéya, o te nénabô kojuman, fo fangaso ka tilen, ka jéya, ka bëe kumajogonya, ka bëe lafaamuya. O yoro ka gelén, kosebe, k'a masorô, hadamadenya wale ni horonya wale be mögo lason, fén dôma, hali n'a man d'i ye. Nka, o k'a soro dannaya ani bonya be mögôw ni nôgôncé, sanko mögôw n'u ka némögôw ni nôgôncé, n'olu ye fangalamögôw ye, jamana be minnu ka mara kono.

Jekulu minnu sigilen be kônôrôfili bolo kan, olu naniya te fén were ye, sôro keli kô, ka bën geléya barika ma. N'a ko lajera, cogo dôla, i b'a fô, ko baarakelaw de ta ka jugu, foroba kunda, ani keñeréye kunda. Mögo minnu dahirimé dulonnen be Mali baarakela bëe; kelen-kelen na, o ka ca, ni jamana dôw du kelen kônômogow bëe ye, farafinna yoro dôw la, kuma tê, farajela ma. N'a lajera, cogo dô fana la, i b'a fô, ko lakoliden kôrôbalenw de ta ka jugu. Olu minnu somögôw te dugubaw

kono, u ka kalanw y'u lase minnu kono, o de ka ca kosebe. O kôson, olu ka musakaw bëe dulonnen be fangaso ka wari dita de la, n'o ye «burusi» ye, min nôkan kélé be kalandenw ni fangaso ce, n'a banni te bi ko ye. O fônjogonko geléya yoro bëe y'a wariko kelen de ye. N'a lajera cogo were la, i b'a fô, ko keñeréyew, n'o ye izinitigiw, jagokelaw, cikewlaw ani bololabaarakelaw ye, k'olu de ta ka jugu. O misali y'olu ka baaraw dulonni ye, jamana kôkanna la.

Fén o fén dun be taa nini, jamana kôkan, sanko farajela, k'o san, k'o doni, k'o lase jamana kono, walasa, ka nafa sor'a la, o nôgôya yoro ka dôgo. Balofenw, magonefenw, furaw, cikeminenw, esansi ni petôroli, siman ni sojonegew, bolifenw n'u minenw fo ka se bagiw ni masirifenw ma, olu bëe nôgôyalí n'u geléyalí dulonnen b'u sôrocogow n'u lasecogow de la, jamana kono. A dôw bëna awiyon na. Dôw bëna negesira fe.

Dôw bëna mobiliwla, minnu be t'uta, kôgojida jamanaw kono. N'olu lasecogow bëe jate minera, ka n'a ye, ko warisëbelama te keñeréyebolo, k'a da «Sefa» barika nagasili kan, n'o ye «dewaliyasón» ye, fénw sôngow yelenniko bolo, wajibiyali be da, kene kan. Misali tara, hadamadenkulu saba minnu kan, n'o ye baarakelaw, lakolikalandenw ani keñeréyew ye, n'u bëe kelen-kelen haminankow ka ca, ni ba n'a siw ye, olu sagow keli, ka da dôbila dône, o de ye baara ye, fangaso bolo.

N'a kera, cogo dôla, a be fô, ko dô fisayara

GELEYA B'AN BEE KAN

...K'A JESIN JAMANA BAARAJEKULUW MA

ni do ye. N'a kera, cogo do la, a be fo, ko fangaso be ka mogow tigensonya.

A dun ka kan, ka ke cogo min na, n'o te mankannako ye, fan si kelen na, o se te, fangaso ye.

O yoro de ka kan, ka faamuya. Nka, fangaso yere ka kan, k'o faamuyali noga, mogow bolo. O kama, wale daw sendonni, fangaso ka bolomademe ko la, «Sefa» geleya waati nin na, o be fognogonko camankunben. Ado ye kunnafoniko ye. Ni hadamaden ma kunnafoni lakika soro, fen o fen kan, o be ke dibilafen y'a bolo. Ni kow nefor'u kise kan, ka dogonogonna b'u la, u donyoro n'u boyoro bue be faranfasiya. N'o kera, siga be b'u la, k'u ke dannayakow ye, fosi te se, tugun, ka minnu latemenni bali, jamana fan bee kono. Okunnafoni walew ka kan, ka ke jamalakow de ye. Ni jama cayara kuma min lamenni kene kan, o kuma n'o kene seerelamogo be caya. O be kumayelmalaw galabu kari, i ko, mogo minnu be yoro bee ke senno ye, ka taa kumaw, fo k'u tijeli, k'a d'u kono tawkan. Adaw yetijefo, jelenya anitilennenya ye. Osiratige la, fangaso ka kan, k'a don, ko nkalon, negenni ani jengeli be fanga danbe lagosi, k'a dawula bin, cogoya la, min be mogow tige fangatigiw bee la, k'a masor'u bee be bila minen kelen kono, k'u bee bugo ni bere kelen ye.

An be pariti politiki camanko tile min na, sisan, an'o nogon senkoromace walew n'o nogon lajeba kumaw, fangaso man kan, ka fili, sanko, ka farati, fen daw ne nabocogow

n'u latemencogow la, politikiko ni hadamadenyako siratigew la, kuma te wariko ma... Politikimogo minnu dennen be kerefe, olu ka jijukoro baaraw ye mogow lasuli de ye, k'u bila fangaso la. Nka, o baaraw te no bo, cogo si la, n'o y'a soro fangaso kelen koro don, ka fili b'a ni mogow n'u ka jekuluw ce. An b'o kene masina de kan, sisan, min geleyakun dogolen te mogo si la, n'o y'a wariko kelen ye.

Bee kelen be, k'i tige jan, cogo min na; bee kelen be, k'i jo, sen min kan; bee kelen be, k'i miiri da wari kan, cogo min na, fo ka daw keje baara yere la, olu fura te dwere ye, limaniya ko, k'a don, ko hadamaden ka dijetatige furance kono, a «garisike» ye fenlatigelen de ye, a hadamaden nogon were se, ka min soro li bali, cogo si la.

Odebenan'a warikobilaliye, hadamadenya, danbe, yeredon ani latige bolow kan, minnu bee be taa laban, bolo kelen doron ma, n'o ye horonya ye. Mogobila nogonna ye tijeli ye, min malo be horon na, balawu jutige ye tijeli ye, min malo be horon na.


An dun selen be yoro min na, bi, wariko de ka teli, ka mogow bila nogon na, k'u bila fangaso la, fo k'a ke balawu ye. Fangaso ka kan, ka balawu kunben n'a ka tilennenya ye. Pariti politikiw ka kan, k'a kunben n'u ka jelenya ye. Jamakulu tow ka kan, k'a kunben n'u ka horonya ye. N'o kera, bee b'i wasa don, fangaso ka bolomademe jate minelen na, n'o y'i garisike ye.

Fangaso joyoro, bolomademe kola, k'a jesin ciklaw ma, o be nse «KIBARU» nata kono.


Mali foroba furafeereyoro (faramansi) ka kunnafoni nafama.

Anw ka dinelatige semejiri do ye aw ka keneya.

A' y'aw magone fura gelen lakodonnenw (D.C.I.) nini aw ka faramansi feerelikela fc.



**Mali Faramansi
(P.P.M)**



Aw kana sumaya.

Aw kana siga.

D.C.I.

Dinelatige te taa hadamaden magone fura lakodonnen minnu ko, n'an k'olu ma «D.C.I», o feereta be sorc :

Mali foroba furafeereyoro (P.P.M) faramansi bee kono.

1. Bamako kafo kono :	2. Jamana maraw bee Kono
<ul style="list-style-type: none"> * Faramansi nemogosoba : Musa Tarawele togola sira kan. * Faramansi min te datugu su ni tile bee kono, Bozola ka tengun Derigamu ka nbuurudilanso la. * Gabiriyeli Ture faramansi min be Madinakura sirakunben da la. * Korofina faramansi min jesinnen don kuba lasigidenso ma. * Dawudabugu Faramansi min be Maananbugu sirafara la * Faramansi min togodalen don Bukanemu Sise la, n'a be dibida sugu la. 	<ul style="list-style-type: none"> - Kayi Faramansi - Kulukoro Faramansi - Sikaso Faramansi - Kucala Faramansi - Segu Faramansi - Moti Faramansi - Gawo Faramansi - Tumutu Faramansi

**SEFA Wari barika dogyali ma foyi yelen jamanadenw magone Fura gelen
lakodonnenw (D.C.I.) songow kan.**